

# **Badische Landesbibliothek Karlsruhe**

## **Digitale Sammlung der Badischen Landesbibliothek Karlsruhe**

**Meditationum evangelicarum pars secunda, hoc est:  
Solida, ad descendam & exercendam, ex evangeliis tam  
dominicalibus quam festivalibus Christi & sui-ipsius  
notitiam, informatio**

**Creide, Hartmann**

**Francofurti ad Moenum, 1682**

De secundo

[urn:nbn:de:bsz:31-126164](#)

Quodsi cor tuum spinis sollicitudinum, divitiarum, & voluptatum implicatum est, iterum ora cum Davide, ex Psalm. 119. v. 36. ne cum divite epulone in damnationem incidas, Luc. 16. v. 24.

Quodsi autem cor tuum terra bona est, in qua verbum Dei radicatur, germinat, & fructum fert in patientia, perge in hoc curriculo, & tene quod habes, ut nemo accipiat coronam tuam, Apoc. 3. v. 11. sic optimam partem elegisti, Luc. 10. v. 42. verbum enim hoc te illuminabit, ut Camerarium Reginæ Candaces, Act. 8. v. 36. In cruce te lœtificabit, Psalm. 119. v. 91. Et tandem salvabit, 2. Tim. 3. v. 16.

III. Seminis generositatem, quod est verbum Dei, ut Christus ipse explicat, quo renascimur ad vitam æternam, 1. Petr. 1. v. 23. Sicut enim semen, quamdiu in granario conservatur, nullum fructum fert, sed tum demum, quando terræ illud mandatum est; sic quoque verbum Dei nullum gignet fructum, nisi diligenter auditum, lectum, ruminatum, in omnibus nostris inclusum fuerit, ut fiat ἡγεμονία, ut Jacobus ait ε. 1. v. 21.

Hic proba te, utrum tu quoque semen verbi divini excepteris, velut semen incorruptibile, cuius virtute possis renasci, ut Christianismus tuus requirit?

Quamvis enim Deo placuerit, per stultitiam prædicationis salvos facere credentes, 1. Cor. 1. v. 21. attamen multi inveniuntur, qui conciones in tenui pretio habent, hinc templum rarius frequentant, vel tamen parum devotionis afferunt, hinc non mirum est, si re infectâ illi vicissim exant, nullum emolumentum capientes, & vim feminis divini inhibentes, temper discentes

& nunquam ad scientiam veritatis pervenientes, 2. Tim. 2. v. 7.

Veri Christiani Deo gratias agere debent, quod semen verbi sui beatifici adest largiter disseminari facit, ideoque, cum diligentia & devotione attendant, excipiunt, & in corde conservent, quod in casu necessitatis eō uti queant. Qui enim in tempore colligit, tempore opportuno habebit. Neque quisquam recte dixerit, quid est hoc? suo enim tempore admodum commode apparent, Sir. 39. v. 22. Hoc qui fecerint, tandem cum exultatione venient, portantes manipulos suos. Psalm. 126. v. 6.

### De Secundo.

PERGEMUS NUNC AD ALTERAM PARTEM Χριστιανοῦ, sive notitiam Domini nostri Iesu Christi percepturi. Hic nobis proponitur:

I. *Tanquam cœlestis seminator.* Exiit enim, qui seminat semen suum. Hic nemus alius est, quam æternus Dei Filius, per quem omnia facta sunt, quæ facta sunt, Joh. 1. v. 3.

Exiit autem

1. *per æternam generationem,* modo, hominibus nobis incomprehensibili, ita ut nihilominus per essentia divinæ unitatem in Patre manserit, ut ipse ait: Ego in Patre, & Pater in me est, Johan. 14. v. 10. De hoc egressu non dicitur hic, utpote qui factus est ab æterno, adhuc sit in tempore, & fieri in æternum intra essentiam divinam, sine respectu ad creaturas, quæ in tempore creatæ sunt, Gen. 1. v. 3. seqq.

2. *per variam ablegationem:* Propterea vocatur ἡγεμονία, Joh. 1. v. 1. quia Pater O 3 cœle-

Dominica Sexagesima.

116

celestis per eum in V.T. per Patriarchas & Prophetas locutus est. Deum enim nemo vidit unquam, unigenitus filius, qui in sinu Patris est, ipse enarravit, Joh. 1. v. 18.

3. Per factam incarnationem, ubi specie visibili, post susceptum Baptismum obambulavit, & semen Evangelii disseminavit, in Iudea, Galilaea & Samaria, tanto cum successu, ut populus cumulatim eum fecutus, non satiari potuerit. Non enim tantum summus noster Sacerdos: sed etiam Propheta esse debebat, & quidem idem ille, de quo Moses prædixerat. Deut. 18. v. 15. Hoc munus fideliter exantlavit, dum non modò ipse in diebus carnis populum docuit: sed & posteà, ubi discipulos & Apostolos suos misit in universum orbem, ad Evangelium omnibus creaturis prædicandum. Marc. 16. v. 15. Quin adhuc hodie is est, qui Hierusalem Evangelistas dat, Esa. 41. v. 27. qui semen verbi divini disseminare pergunta, & spiritualem agriculturam exercent, donec tandem in ultimo die exhibit, & colliget, quod severunt illi, Apoc. 14. v. 14.

Observabimus hoc:

In consolationem nostram, Deus Pater per Filium suum ccelum & terram ex nihilo produxerat, & omnia, quæ in illis sunt, viditque cuncta, quæ fecerat, & erant bona valde. Gen. 1. v. ult. Præcipue hominem ad imaginem suam creaverat, quæ in posteros ipsius quoque propaganda erat, ut fructus spiritus sese exercent. Gal. 5. v. 22. Sed alius seminator exiit in Paradisum, qui Protoplastorum cordibus semen serpentis nocentissimum infidelitatis & ambitionis implantavit, ut deperditæ Dei imagine liberos generint, non ad Dei, sed suam imaginem, Gen. 3. v. 3.

Hoc valde doluit divinum Numen, Et

quia non delectatur in perditionibus nostris, Tob. 3. v. 21. remedium aliquod pro infinita sapientia sua reperit, quo humum genus restitutum est, ita numirum, ut Filius ejus unigenitus carnem nostram induerit, & velut celestis agricola ejusmodi semen sparserit, quo virtute Spiritus S. renasci & ad vitam æternam conservari possimus. Propterea cum gratiarum actione hoc agnoscere debemus, & quando seminatoris hujus semen in corde nostro exceptimus, ita fovere, ut nemo non cognoscat, nos agriculturam Dei esse, 1. Cor. 3. v. 9. Sic luceat lux nostra coram hominibus, Matth. 5. vers. 16. sic seminemus in justitia, Os. 10. v. 12. nec defatigemur, ut tempore suo metamus decessum, Gal. 6. v. 9.

II. *Tanquam bonus Concionator.* Captui enim auditorum sese attemperat, novitque simplicioribus mysteria regni celorum in notis parabolis adeò ob oculos ponere, ut consideratione rerum terrenarum affurgere & paulatim discere queant, quæ edificationi suæ inserviunt. Quid vulgarius est agriculturâ? Quis nescit, quomodo cum vinea comparatum sit? attamen Doctori huic eruditæ lingue, Esa. 50. v. 40. ansa inde subministratur, ad varias utiles conciones formandas, ut in præcedente & presente Evangelio audimus.

Hoc idem faciant verbi ministri & Ecclesiæ pastores, ut non ad artem conciones suas, ad demonstrandam sapientiam & eruditionem suam: sed potius ad exemplum Christi componant, & quam fieri potest, simplicissime, quod meditati sunt, proferant, ex virtute illa, quam administrat Deus, 1. Petr. 4. v. 22. Est enim scriptura a vius, in quo agnus peditat, & Elephas natat,

juxta

juxta Gregorium. h. e. qui verbum Dei ad artem suam tractare gestit, stultus fiet, Roman. i. v. 23. Qui vero literæ inhæret, credens contra spem in spem, ad exemplum Abrahami, Rom. 4. v. 1. huic feliciter succedit, ex ore enim infantium & lactentium perfecit sibi Deus robur. Psal. 8. v. 2.

Hoc quoq; de concionibus intelligi debet, non enim Deus in die novissimo queret, quām subtiliter, sed quām utiliter docueris. *Gloria predicatoris est profectus auditoris*, ut Gregorius ait, ultra quem scopum conciones extendi non debent. Hoc probè observavit D. Lutherus noster, quamvis enim linguarum & disciplinarum experientissimus esset, tamen omnia ad auditorū captum accommodavit, ut ipse confitetur his verbis: Wenn ich alhier zu Wittenberg predige / so las ich mich auffs tieffste herunter / sehe nicht an die Doctores und Magistros, deren etwa vierzig drinnen: Sondern auff den Haussen junger Leute / Kinder und Gesind/ deren wol hundert oder tau-send da seyn / denen predige ich / nach den-nen richte ich mich / die dorffens / wollens die andern nicht hören / so siehet ihnen die Thür offen.

III. *Tanquam mysteriorum referator*, qui nemini regni sui mysteria abscondit, sed vult, ut omnes ad agnitionem veritatis perveniant 1. Tim. 2. v. 4. Pròpterea híc exclamat: Qui habet aures audiendi, audiat! Quinimò malè contentus est cum iis, qui ante explicationē hujus parabolæ abibant: Discipulos verò suos, qui cum de genuino hujus parabolæ sensu interrogabant, commendat, & dicit: Vobis datum est, nosse mysterium regni Dei; cæteris autem inparabolis, ut videntes non videant, & audientes non audiant & intelligent. Quæ non ita

intelligenda, ac si Deus definito quodam consilio ad hoc prædestinaverit eos, ut mysteria hæc ignorare debeant, quod blasphemum est: Hoc enim modo nemo exclusus est. Dederat Deus his quoque aures, quibus verbum haurire poterant, offerebat gratiam, ut verbo credere possent; quia verò concionem Christi flocci facientes, pro sermone rustico, qui duntaxat de agricultura terrena ageret, habebant, & aucte explanationem parabolæ discedebant, indigni prorsus erant, qui ulterius quicquam auferrent, juxta illud 1. Sam. 2. v. 30.

Alias nemo simpliciter à gratia Dei exclusus est, qui seipsum non excludit incredulitate & securitate suâ, nihil enim Deus odit corum, quæ fecit, Sap. 11, 25. Ied miserationes ejus super omnia opera ejus. Ps. 145, 9.

Ob hunc finem quoq; Christus in mundum venit, ut nobis voluntatem Patris cœlestis manifestaret, Joh. 6. v. 40. ideoq; , si modò discipulos se interrogatus animadvertebat, semper eos responsione suâ præveniebat, hoc ipso indicans, quām promptus sit ad instruendum ipsos, Joh. 16. v. 19.

Post resurrectionem suam, multis argumentis per dies quadraginta illis apparuit, locutus cum eis de regno Dei, Act. 1. v. 3. Et ccelo consensō, non eos orphanos reliquit, Joh. 14, 18. sed alium paracletum misit, qui duxit eos in omnem veritatem, Joh. 16. v. 13. & donis sufficientibus ad Evangelium prædicandum instruxit, Act. 2, 11. Rom. 5. v. 19. Adhuc hodie dat verbum, Evange istas magno exercita, Psal. 68, 12. qui nos docent utilia, Isa. 48. v. 17. Et notas faciunt vi-as vita, Psal. 16. v. 11. 2. Tim. 1. v. 12.

Hæc magna gratia est, quam Deus nobis in Christo exhibuit, propterea accedamus ad ipsum, ut instruamur ab eo, quando infor-

informatione in rebus fidei indigemas, ipse enim est magister noster, Matth. 23. v. 10. In quo omnis sapientia & scientia thesauri absconditi, Col. 2. v. 3. Propterea quoque ipse Deus Pater eum nobis commendavit in monte Thabor, Matth. 17. v. 5. Medium verò ad Christum nos deducens est potissimum sacra scriptura, quam scrutari jubemur, Joh. 5. v. 39. Hoc si fecerimus, indies in agnitione Dei proficiemus, & tandem

intuebimur eum, à facie ad faciem, 1. Cor. 13. v. 12. Nec amplius seminabimus, sed metemus, quod hīc serimus, Psalm. 126. v. 5. Omnes eum cognoscemus, Jer. 31. v. 34. & coram eo ambulabimus in terra vivorum, Psalm. 116. v. 9. Quod Deus Pater noster cœlestis, nobis omnibus ex gratia largiatur, per Filium suum Iesum Christum, Servatorem nostrum unicum, in Spiritu Sancto! Amen.

## Dominica Quinquagesima.

Evangelium Luc. 18. v. 31. --- 43.

## EXORDIUM.

Cum Regius Propheta David ob rebellem Absolonis impetum fugeret, & operto capite, montem olivarum adscendens fleret: Exiit vir de cognitione domū Saul, nomine Simei, qui non modò maledixit Davidi: sed & lapides misit contra eundem, dicens: Egressere, egressere, vir sanguinum, & vir Belial: Reddidit tibi Dominus universum sanguinem domū Saul, quoniam invasisti regnum pro eo. 2. Sam. 16. v. 7. & 8.

Hoc elegantem nobis Allegoriam subministrat.

Quod enim Regio Prophetæ Davidi contigit, id in hodiernum diem accidit filio Davidis, Salvatori nostro Iesu Christo: quando Hierosolymam progreditur, ut nostri causā illudatur, contumelii afficiatur, confundatur, flagelletur, crucifigatur, & occidatur; hoc præsertim tempore, quo filii hujus mundi Bacchanalia celebrant, & crapulâ & ebrietate, aliisque feedis libidinibus, larvati, tantis sceleribus se se contaminant, quibus æternus Dei Filius denuò crucifigatur, Hebr. 6. vers. 6. & sanctissimus ejus

sanguis conculcatur, Hebr. 10. vers. 29.

Hoc peccatum multò majus est, quam quod Simei adversus Davidem commisit, quamvis capite iccirco multitatus, 2. Reg. 2. v. 46. Quid quæso de iis ficit, qui ipsum filium Dei, in via jam versantem, ut eorum causa crucifigatur & occidatur, ad eum ignominiosè tractant, ut pro ludo Bacchanaliorum habent, & non reputant, quanti æstimandus sit, Ef. 2. v. ult. Sine dubio durum ipsi erit contra stimulum calcitrare, Act. 9. v. 5. Hebr. 10. v. 28. 31.

In hanc finem Majores nostri, præcepit Evangelium in hodierna Dominica explandum ordinarunt: Ubi in prima parte, Dominus ipse de passione & morte sua prædictit. In altera verò parte ecce Bartimaeus nobis proponitur, in quo videmus, quam fœdè nos Satanæ larvis suis depravarit, ut non necessum sit, Bacchanantium instar, larvis nos deformare: cum potius iter Christi ad mortem considerare debeamus, de quo discipulis suis concionatur, ajens: Ecce, adscendimus Hierosolymam, & consummabuntur omnia, quæ scripta sunt per Prophetas,